



Sammelband X.


P. 101



No 5550 *

Practica / vnnnd Beden-
cken : Durch Nicolaum Winckle-
 rum Forchemium Doctorem Medicum, verordnes-
 ten Physicum vñ Astronomum, der Statt Schwe-
 bischen Hall: auff das Jar nach der Geburt Ihesu
 Christi / vnd nach der Regierung des Hochlöblichen
 Römischen Kayfers Rudolphi II. in dem
 XI. vnd in dem III. Jar
 des VII. grossen
 Jars.

M. D. LXX XVI.



Gedruckt zu Augspurg /
 bey Michael Wanger.

Wie Röm. Kay. May. Freiheit
 nicht nach zu drucken.

Zu Ehren vnd Glückseligem newem
Jar / Den Edlen / Erbarn vnd Vesten / Für-
sichtigen vnd Weysen Herren / Stätmaistern
vnd Rath / der Statt Schwe-
bischen Hall / c.

In wollen richten / vrtheylen vnd dadeln
die Astrologiam, welche von der krafft vnd ey-
genschafft der Astronomiæ redet / da sie doch
zum wenigsten den grundt vnd fundamenta
nicht wissen noch verstehn / ob sie wol etliche
sprüch auß der heyligen Schrifft herbey bringen / irren sie vns
wenig oder gar nichts / seytemals sie solche ohn vnder-
schid verwirren / wie wir dauon vor der zeyt de principijs Astrolo-
giæ & omnium artium contra quosdam Anonimos geschri-
ben haben: Das aber der lauff des Firmaments nicht ohne
wirkung sey / vnd der gantz Erden kreys sampt den Elemens-
ten den selbigen vnderworffen / das bezeugt Christus auß
dem spruch selbst / Luce am 11. Capitel / wider die Schrifft-
gelerten / wenn jr sehet auffgehen ein dicke wolcken vom A-
bent / so spricht jr bald / es kompt ein regen / vnd es geschicht
also / vnd wann jr sehet den Sudwind wehen / so spricht ihr /
es wirdt heysß werden / vnd es geschicht also. Ir Heuchler / die
gestalt der Erden vnd des Himels köndt jr brüffen vnd wiss-
sen zurechnen / warumb brüfft jr dise zeyt nicht? Item Mate-
thei am 16. Capitel / des Himels gestalt köndt jr vrtheylen /
warumb köndt ihr nicht auch die zeychen diser zeyt vr-
theylen: In solchen vnd andern dergleichen sprüchen wirdt
von Christo die Astronomia sampt derselbigen krafft vnd
eygenschafft nicht verboten / noch gestrafft dieselbigen zu
erforschen / so wenig von Christo die Reichthumb nicht vers-
dampt wirdt / da er in einem andern ort spricht: Es ist leicht-
er

er einem Chamel durch ein nadelohr zukömen / dann einem
Reichen in das Himmelreich / sonder allein den vnuerstand /
vnd mißbrauch des Göttlichen worts vñ der Keychthumb /
wirdt demnach die Astronomia, die dann von Gott selbst
ist erschaffen / vil mehr approbirt vñnd für ein gabe Gottes
erkende / die solche recht gebrauchen / vnd zu vrtheylen die in
keinen weg zu verwerffen ist. So können auch die klüglingen
aus den Patribus nichts besonders herbey bringen / das sie
solche verdammen / Dann Hugo de prato in sermone XV.
super Epiphaniam also schreybet: Quod stellæ habent effe-
ctus super corpora humana & alia corpora, quantum ad
qualitates actiuas & passiuas alterandas attinet, & non su-
per liberum arbitrium, nisi in directè, (hoc est per acci-
dens) ut dicit Augustinus, Gregorius, Chrysoctomus & alij
Doctores. Vnde non efficiunt hominem bonum vel ma-
lum, sed inclinant & disponunt hominem ad bonum vel ma-
lum, vel ad diuersa vitia, & ad diuersas Virtutes & artes &
exercitia, nihilo minus tamen homines possunt per liberum
arbitrium talibus inclinationibus & dispositionibus resiste-
re, propter quod dicit Ptolomeus: Quod sapiens homo do-
minatur astris, stultus autem ut Luna mutatur: hæc Hugo:
Bey solchen lassen wir es jezmals bleyben omb Kürze willen:
Wie es aber zugehe, das die virtus ætherea inferiora regiere /
das ist verborgen. Satis enim est scire quod sit, etiamsi quid
res sit non sciamus, sicuti econtra multa scimus quid res sit,
sed non quod sit: Ist genug / wie Paulus schreybt in Epist:
in hoc, quod inuisibilia per visibilia opera intelliguntur,
ceu ab effectu ad causas inuestigandas progredimur quæ ex
observatione pendent, estq; hic ordo prioris ad poste-
rius, hoc est à sensu ad intellectum vniuersalem,
de quo ordine Arist: & in libello nostro
de principijs omnium artium
plura scripsi.

mus.

A

ij

Das

Das erste Capittel / von dem zancf
des Osterfests / & de Anno Emergente : Ob
Christus im 34. Jar seines alters / vnd am
6. tag / das ist am Freytag
gelitten habe.

Ihes wöllent wir zum eingang / wider die
jenigen / Die den zancf des Osterfests jetziger
zeyt strittig vnd irrig machen / dem gemainen
Mann / schreyben / als ob die Astronomi, wie
etliche mainen / in der rechnung des Osterfests /
sonderlich aber des tags / an welchem er gelitten / gecreuzigt
vnd gestorben ist / soiten verfehlt haben : Dann also schreibet
Lampertus Flo : So Christus gelitten hat / wie die heylige
schrifte im 34. Jar seines alters bezeugt / so fehlen die Astro-
nomi inn der rechnung / das sie Feriam 4. das ist die Mitwo-
chen setzen / darinn Christus am Creüz gestorben ist : Setzen
sie aber den 6. tag / das ist den Freytag / so ist Christus im
33. Jar seines alters gestorben / welchs ist wider die heylige
Schrifte. Diweyl dann nach der rechnung der Astronomo-
rum, der tag des sterbens Christi noch vngewis / wie kan dan
das Osterfest recht gesetzt werden. Damit nun solcher Irr-
thumb / nemlich / an welchem tag Christus am Creüz gestor-
ben / möchte erklet werden / gleich wie auch von der Tauff
Christi / an welchem Tag vnd Jar er ist getaufft worden /
wöllent wir erstlich setzen den vnderschied der Jaren / wie Beda
de Temporibus vnd andere setzen / das er etliche nennet An-
num vertentem, das seind vnser gemaine Jar / als wie di-
ses 86. Jar ist / das es helt 365. tag 5. stund 55. Minuten
26. Secunden 16. tertien, dauon wir hernach schreyben
wöllent : Etliche Jar werden genendt Emergentes, solche
Jar jren anfang nemmen von der zeyt vnd tag / darinn einer
ist geboren / oder zu einem Keyser oder König erwölt worden :
Als

Als zum Exempel / Rudolphus 2. Rom: Imperator den 12. tag Nouembris, nach dem todt seines Herren Vatters Maximiliani Secundi zum Regiment Teütscher Nation kommen / von der zeyt an / bis zum aufgang des 1576. Jars / wirdt für ein Jar gerechnet: Also vnnd gleicher gestalt setzet Beda die Jar Christi / als er geboren den 25. tag Decembris, von dem tag bis zum aufgang des selbigen Jars seind noch 7. tag vberig / welche für ein Jar gerechnet werden / das ander Jar hernach / bis wider auff den 25. tag Decembris setzet Beda 2. Jar / darumb das die vorige 7. tag auch für ein Jar seind gerechnet / vnnd also fort an / volget das Christus im 34. Jar seines alters am Creüz gestorben ist / gleich wie sie rechnen von der Tauff Christi 29. Jar volckömlich / vnnd 13. tag. Wie Lucas am 3. Capitel schreybt / Erat enim quasi annorum triginta, quia post 13. dies intrauit 30. annum. Von dem Jar des Leidens Christi schreybt Hugo de prato also: Vnde cum Christus in fine Anni nostri Visualis secundum Solem natus sit, de primo ipso Anno natiuitatis tantum 7. dies habuit, sed ætatis suæ annus 12. mensium Solarium scilicet à 25. die mensis Decembris, vsq; ad eundem diem Reuolutio anni completur in 2. anno natiuitatis, & ita duos annos natiuitatis secundum Solem penè in primo anno ætatis consumauit, & secundus annus natiuitatis ille est, qui est primus. Vnde fit, ut anni Dominicæ natiuitatis secundum solarem est, cursu sunt 34. ac penè cum dimidio in quorum 30. secundum ætatem, trigesimoq; primo secundum natiuitatem baptisatus est. Quo anno computato cum vltimo penè cum dimidio in 33. ætatis anno, & 34. natiuitatis passus est. Hæc & Philip. Berg: in Ch.

Diweyl dann Christus Gottes Son im 34. Jar secundum annos emergentes gecreütziget worden / volget jetzmal die probation nach dem Calculo Astronomico ob er am 6. tag / das ist am Freytag gelitten habe: Die rechnung stellet man also / setze das 34. Jar Christi alters / iuxta Annum Emergentem,

A iij

mergentem,

mergentem, ziehe von solchen herab / den Cyclum Solarem,
nemlich 28. bleyben noch 6. Jar vberig / mit diser 6. zal gehe
ich in Canonem Feriarum Cycli Solaris, finde darin 7. Zum
andern setze ich Mensen Februarium ganz vn̄ volkumlich/
nemlich 28. tag / dann das 34. Jar ist kein Schaltjar gewes
sen / finde in Canone Feriarum die 3. zal post Christum na
tum. Zum dritten musse der 25. tag des Merzen gesetzt
werden / dann an solchem tag ist Christus an das Creutz ges
heffe vnd gestorben / wie er auch an solchem tag inn Mutter
leyb von dem Heyligen Geyst empfangen / vnd Menschliche
natur an sich genommen. Wie auch Adam an solchem Tag
erschaffen / solchen 25. tag des Merzen diuidire ich durch
die 7. zal propter Hebdomatas, bleibt 4. vberig / dise zal setze
ich zusamen / diemachen 14. thut darzu radicem nemlich 6.
thut 20. dise widerumb durch 7. diuidirt, bleyben noch 6.
das ist der Freytag der 6. tag inn der wochen / an welchem
Christus am Creutz gestorben. Auff ein andern weg vnd
Calculus Astronomicum kan es wider erweisen werden / das
der 6. tag sey der tag des leydens Christi. So dem nun also/
wie war ist / was klagen dann etliche wider die Astronomos,
das sie das Osterfest oder Pascha auß dem Calculo nicht
können beweysen? So der tag des leydens vnd sterbens am
Creutz gewis / so ist das Pascha auch gewis. Turpe est igi
tur culpare alios, cum culpa redarguat ipsos, dieweyl sie sol
ches nicht demonstrieren, sed transeamus ad Annum Ver
tentem.

**Das ander Capitel / de Anno Ver
tente, vnd des selbigen vier Reuolutioni
bus, darinnen sonderliche verens
derung angezeygt
werden.**

REVO.

REVOLVTIO PRIMA, Winter.

Dieses 86. Jar Annus Vertens genandt / welches wir
anfahen nach dem lauff der Sonnen / des newen Ca-
lenders den 22. tag Decembris. Nach dem alten
Calender aber den 12. tag Decembris, 5. vhr 31. Minuten
vormittag des 85. Jars / dessen Jars lenge thüt 365. tag /
5. stund 55. Minuten / 26. secunden, 16. tertien, davon
der Winter in sich helt 89 tag / 4. stund 39. Minuten / 44.
secunden. Sehet sich der Winter an vnder der Regierung
Mercurij, qui est significator primæ Domus, & Dominus
Medij Coeli, & mutua receptionem cum Ioue ex 7. domo
habet, Saturnus cum Sole & Marte ex quadrato Meridias
nales & Occidentales. Die zeyt des Decembris, wirdt fast
inn gemain grosse vnd grümmige kälte bringen / Ostwindt /
hell vnd kalt darbey / mit hüpschen bestandthafftigem wete-
ter / fast gleich wie im Ianuario des 85. Jars / sonderlich
vmb die Weyhnacht Seyrtag. Vmb den 29 tag Decembris
aber / sehet das gewitter gelindert zu werden / vnd weret fast
den Ianuarium hin durch mit feuchtem Vngewitter vnd
schnee / gar nahe mit bösem feuchtem Wetter / Wie im 83.
Jar auch geschehen / bis auff den Fröling. Von der veren-
derung des Gewitters / inn sonderheyt wollen wir jetzmal
nichts schreyben / Dieweyl solchs ein vberflus durchaus im
Calendario anzeygt ist.

REVOLVTIO SECVNDA. Fröling.

Darinn

Darinn von der grossen Coniunction

Saturni vnd Martis, sampt andern 11. Coniunctionibus im ferwigen Triangulo angezeygt wirdt auff das Kürzst.

Der Fröling hat seinen anfang nach dem neuen Calendar den 21. Martij. Nach dem alten aber / den 11. tag des Merzen / 9. vhr 32. Minuten vor Mittag. Venus hat in solcher Reuolution dieweyl sie in Medio Coeli significator ist im Haus louis, vnd in irer erhöhung die meysten vnd fürnehmsten würdigkait / ob wol Mercurius Dominus Ascendentis in Medio Coeli stehet im Haus louis, & cum loue ex quadrato mutuam receptionem haben / so ist doch weder Jupiter noch Mercurius tüchtig / quia ambo in Detrimento & Casu stehen. Venus hat zum miegehülffen den Martem, der dann nicht allein stehet in suo termino Triplicite & facie, sonder er bald erreicht sein täglich behausung / Meridionalis & Orientalis. Dise Frölings zeyt wirdt durch die Venerem vnd Martem ihrer Constitution nach / zimliche feuchtigkait vnd wärm erwecken / nach welchem alles Erde Gewechß bey zeyt sich herfür thun vnd grühnen wirdt / welche aber wonen vnder dem Zwilling des 3. Quadrangels / weren zimlichen schaden spüren vnd leyden von ungestümigkait der wind / verderbung des lufftes / von solchen grosse Kranckhait volgen werden : Als Kopffwehe / Grimmen / Colica, Bräune / Hals vnd Lunge Kranckhayt. Im April bald im eingang trege sich zu die Coniunction Saturni vnd Solis im ferwigen zaychen des Widers / vnd nach dem Saturnus combustus oder verbrende ist / Orientalis & Meridionalis Descendens à suo Apogeo. Bringt solche zusammen kunfft gute ordnung des Lufftes schön wetter / doch mit kaltem reiffen morgens / dauon das Erde gewechß auff

auff etliche tag im anfang des Aprillens mag auffgehalten
vnd verhindert werden: Bald aber vmb den 7. 8. 9. 10. 11.
12. Aprilis, vnbestendig Windt / feucht nass Wetter / mit
scharpffen kalten winden / nebeln vnd reiffen.

Ferners begibt sich in disem Monat des Aprilen / die vers
samlung aller Planeten / in dem feurigen Triangulo des zey
chen Widers / welche ist die ander versamlung nach dem an
fang des VII. grossen Jars / von welchem von vns vor der
zeyt besonders meldung ist geschehen: Vnnd solche Coniun
ctiones in Triangulo Igneo in 700. Jaren nicht geschehen /
vndter welchem jezmal die gefärlichsten Coniunction ist
Saturni vnd Martis, den 15. tag Aprilis vor mittag / nach
3. vhr 12. Minuten / in dem 23. tag des Widers. Dise Con
iunction geschicht nach vnser rechnung vnd Eleuation in
Ascendente, nicht fern von dem Drachenschwanz / Mars
ist vber den Saturnum erhebt / der inn seinem eygen feurigen
Haus wonet / Orientalis vnd Meridionalis, inn solchem zey
chen Saturnus so wol als Venus verderbt ist / haben beyde
keinen gewalt / stehet Saturnus in Casu, Venus in Detrimen
to: Dise Coniunction bedent Vniuersale Malum wie Bona
tus bezeüget. In specie, bösen Stand der Herren vnd Ober
keit / die vnder dem Wider begriffen ist / man wirdt etwas
newes Practiciren wider die Stätt vnd Landtschafften:
vil vngerechtigkait / vnbilligkait vnd gross Unglück wirdt
man erfahren vnd hören allenthalben. Doch weren die Bur
ger dises Landts im Krieg wider ihre Feinde / die von fern
kommen ihnen argz zu beweysen obligen vnd obfign / vnd
jre Feind in die flucht schlagen. Vndter grossen Herren vnd
Fürsten seltsame Tragedias man hören wirdt / etliche dersel
bigen mögen jres fürnemens vnden ligen vnd grossen schas
den leyden: Grosse Heuchlerey / heymliche böse dück bey al
len Ständen / Saturnus der in suo Casu stehet / wirdt vrsach
geben zu der Strassenrauberey / vndter den Gewerbs vnd
Kaufleüten / von wegen der Sorten vnd bezalung / allerley

B

zancf

zand vnd zerrüttung. Grosse Herren gerathen offte vnnnd vil
 wider einander / dauon der gemain Mann vnnnd Baur wider
 ire Oberkait wol mag zu vnrhü erweckt werden / wie Melsa-
 hala vnd Albumasar bezeugen: Bonatus folio 547. Schreybt
 von solcher Coniunction Empörung / grossen Hunger vnnnd
 zerrüttung: So man hinder sich sehen will vnd nachdencken
 auß den Observationibus, was solche grosse Coniunctiones
 aller Planeten inn fewrigen Triangel, als Anno 73. nach
 Christi Geburt / vnd dann 769. Jar zu der zeyt Caroli Ma-
 gni, wirdt man satten bericht mit allerley Exempel der zerr-
 rüttung vnd verenderung finden / die sich auff vnser zeyt et-
 lich Jar nach einander ebenmessig zutragen mögen / als An-
 no 1594. Jar den 9. Iulij, wann solche Coniunction im
 fewrigen zeychen des Löwen sich erzeygen wirdt. Item
 Anno 1604. den 13. Septembris, von wegen der grossen
 Coniunction Saturni vnd Martis im fewrigen Triangel des
 Schützens. Item 1604. Jar den 25. Sept: die Coniun-
 ction Iouis vnd Martis, vnnnd die grosse Coniunctio Saturni
 vnd Iouis im Jar 1603. den 29. Decembris. Dise Con-
 iunctiones alle haben sonderer bedencen / auff künfftige zerr-
 rüttung vnnnd verenderung der Policeyen / dauon auff dis-
 mals genüg angemandt.

REVOLVTIO TERTIA, Sommer.

Die Reuolutio des Sommers / nach dem newen Cal-
 lender / sehet an auff den 22. tag Iunij. Nach dem
 alten Calender aber / auff den 12. tag Iunij, nach 6.
 vhr 24. Minuten vor mittag: vnd weret solche Reuolutio
 93. tag / 10. stund 16. Minuten / 53. secunden. Vnd nach
 dem Luna significator & Domina ist in ascendente, die da
 stehet

stehet in 7. Gradu Leonis in termino Veneris & signo plu-
uioso, Saturnus im 10. Haus in dem zeychen des Stiers inn
seiner Triplicitet: Dise beyde / nemlich Luna vnnnd Saturnus
für Governatores des Sommers erkendt werden. Vnd nach
dem im eingang der Reuolution die fünff Planeten Directi
curus seind / zeygen sie an einen schönen lustigen Sommer /
weicher doch mehrertheyl kühl vnd mit rauhen winden ver-
mischt sein wirdt / dauon das Geweß etwas / sonderlich der
Weinstock möcht auffgehalten vnnnd verhindert werden /
langsam zeyttig werden / etwa Vngeschmack vnnnd nicht
werhafftig. Im Augusto, Septembri vnd Octohri. dröhet
es sterben vnnnd theürung / sonderlich die dem andern Quas-
drangel dem Stier vnderworffen seind. Ferners dieweyl
Mars mit dem Saturno gleich ober der Erden stehen im 10.
& 11. domo der Reuolution, dise allerley verwirung erwe-
cken: Es schreybt Albumasar, das solche ding verwüst wer-
den erstlich die da wachsen / als mangel an Bäumen vnd ders-
selbigen schaden von wegen der Würmen / Rauppen vnnnd
Hewschrecken / Item Erdbidung / verwüstung der Stätt /
Schlöffer vnd Häuser. Item Saturnus in medio Coeli. vnnnd
Luna im ersten Haus des Löuens dröhet auch Hunger /
Krieg / Mangel der Frücht auff dem Feld / Item Sterben /
vnd haben sich grosse Herren steht Vnfahls zubeforgen / die-
weyl Saturnus vnnnd Luna beyde Meridionales seind. Den
Jungen Kindern vnnnd Knaben / sonderlich Vnglück vnnnd
Kranckhayten. Der Drachenschwanz der nicht fern von
dem Saturno mitten im Himmel stehet / dröhet auch einen
sondern widerwill vnd vngunst / Von dem Gemainen Mann
gegen irer Oberkeit / Von wegen allerley beschwernus. Zu
welchem allem die würckung der Finsternus des 85. Jars /
im April geschehen / grossen fürschub thün wirdt /
sonderlich die vnder dem andern Quas-
drangel wohnen / nemlich
dem Stier.

B ij

REVO.

REVOLVTIO QVARTA.

Herbst.

DER Herbst hat seinen anfang nach dem neuen Calender/den 23. Septembris. Nach dem alten Calender aber/den 13. Septemb. 3. vhr 18. Minuten nach mittag. Solche Herbstzeyt strecket sich auff die 89. tag/4. stund 39. Minuten 41. secunden, bis die Sonn wider kompt auff den ersten punct des Steinbocks/in solcher Reuolution erkenne ich Mercurium für den stercksten / dieweyl er inn 10. domo in suo termino, in 7. domo in triplicitate & Termino, in 4. domo, domus propria ist / also das er inn den 3. Angelhäuser seine Influentias hat / vnd das 7. Haus bewohnt mit der Sonnen vnd Drachenhaupt: Vnnd gehet mit dem Leonis cauda nyder / der von natur Saturni vnd Veneris ist / So stehet Saturnus gleich mit der Veneri im 7. Haus auß inn einem Gegenschein / vnd kalten feuchten zeychen / vnnnd nach dem Luna Saturnum ex quadrato, vnd Mars Lunam ex opposito ansichtig / wirdt dise zeyt des Herbsts zum Eingang kül wind mit regenwetter sich anlassen vnd erzeygen / Mercurius im 7. Haus mag grosse hindernuß geben der zeyt nach mit feuchtem wetter / dauon der Wein möchte schaden nemen. Paucitatem Vini atq; Annonæ, propterea ventos validos atq; graues venturos in illa Reuolutione significat, doch dieweyl die Sonn den Saturnum auß einem Gegenschein antrifft / mag solcher vnfall vil oder zum theyl gemiltert werden / wie Bonatus bezeügt. Dise zeyt oder Reuolution des Herbsts / dieweyl das Drachenhaupt im 7. Haus der Wag stehet / hat kein gut ansehen mit dem gemainen Mann vnnnd Vnderthanen gegen iren Oberkaiten / seytemals solche mit allerley beschwernus vnnnd satzungen belegt / Darob der gemain Mann inn einen vnfall gerathen wille / dessen auch das Drachenhaupt im ersten Haus vnd zeychen des Widers anzeygen

anzeigen thut / De sententia Bonati part. 4. Cap. 204. fo-
 lio 588. Weyters ex influxu Saturni in Tauro Retrogra-
 dus, mag diese Herbstzeit mit dem Säen vnd Ackerbau vn-
 fellig sich anlassen / davon der Schneid vnd Erndt sonder-
 lich gegen Auffgang vnd gegen Mittag / mehr dann in an-
 dern Ländern / gemindert wirdt in dem künfftigen 87. Jar /
 doch nicht so gar hefftig als wann Saturnus im Löwen stün-
 de / wie auff das 1594. Jar künfftig wann man zelen wirdt
 geschehen / als dan abermals mangel vnd abgang der Früch-
 ten sich wirdt zutragen / auß langwiriger feuchtigkeit vnd
 regens / vnd grosse Thewrung / Wiewol hefftiger inn dem
 Stier des 87. vnd 88. Jars künfftig / dann im Scorpion.
 So man zelen wirdt 1602. Jar / als dann es nicht allein
 mit mangel vnd Thewrung der Früchten / sonder vil mehr
 aller jammer / angst noth vnd gefärligkayt / bey allen / hoch
 vnd nyder Ständen sich nahen wirdt: Inn disem 86. Jar
 aber wirdt die Finsternuß so im 85. Jar im Aprili gesche-
 hen / ihre Wirkung so wol als im 87. Jar künfftig / sonderlich
 gegen Vidergang / vnd bey denen so dem Stier vnderwor-
 fen / kräftiglich volziehen.

Register der Quadrangel / vber
 etliche Königreich / Fürstenthumb / Land
 vnd Herrschafften gelegen / vnder
 den 12. Himlischen
 Zeychen.

Der erste Quadrangel.

Vber dem Wider seind / Teutschlandt / Franckreich /
 Engellandt / Klein Polen / Hoch burgundt / Schwa-
 ben /

ben / Oberschlesien / Bodensee / Westreich / Neapolis / Florenz / Ferrar / Braunschweig / Vrich / Lindaw / Crakaw.

Vnder dem Krebs / die Königreich / Schotten / Granaten / Graffschafft Burgund / Preussen / Holland / Seeland / Vincenz / Venedig / Mayland / Genua / Lübeck / Trier / Magdeburg / Görlitz / Bern in Vcheland.

Vnder der Wag / Osterreich / Franckfurt am Main / Speyer / Schwebischen Hall / Hailbrunn / Wimpffen / Landshüt / Freysing / Mosbach / Feldkirch / Lysibon.

Vnder dem Steinbock / Bosen / Littaw / Sachsen / Düringen / Hessen / Greymarcht / die alte Marck / Grenitz / Brandenburgerlandt / Augspurg / Costniz / Göllich / Cleue / Berge / Gendt / Mecheln.

Der ander Quadrangel.

Vnder dem Stier seind Türckey / Gros Polen / Weis / Keussen / Schampenge / drey Pünterlandt / das Ries / Schweyzer / Francken / Lottringen / Schweden / Yrlandt / Bolonia / Seue / Mantua / Zürich / Lucern / Würzburg / Metz / Bosen / Leyptzig / Perus / ein theyl inn Iberreich / Gnissa / Newgart / Manse / vnnnd Burgis inn Spannen.

Vnder dem Löwen / Welschlandt / Lampardy / Emilia / Sicilia / Prag / Vlm / Coblenz / Sabina / ein theyl der Türckey / Cremona / Linz / Krembs.

Vnder dem Scorpion / Nordwegen / Westweden / Cathalonien / Oberbayrn / Alkeyer / Padua / Orbin / Brixen / München / Eychstatt / Wien inn der Prouinz / Valentz inn Spanien / Danzka / der grösser theyl Lampardey.

Vnder dem Wasserman / Moscowitter / Denmmarcht / rote Keissen / Mittägisch Schweden / Walachey / Pimont / Westfalen / vnnnd was zwischen der Mas vnnnd Musel ligt / Trient /

Trent / Hamburg / Bremen / Salzburg / Ingolstat / sampt
einem theyl des Bayrlands / Monferar / nach etlicher mainung
ung Sachsen / Böhmen.

Der dritte Quadrangel.

Under den Zwillingen / seind Egypten / Armenien /
nach etlicher mainung Engellandt / Brabant / Wir-
tenberg / Flandern / ein theyl Lampardy / Wertzel /
Nürnberg / Lauen / Mainz / Bamberg / Brugk / Villach /
Rizingen / Hafffurt / Lunden / vnd Corduben.

Vnder der Jungfrawen / Babel / Candia / Krabaten /
Kernten / Niederschlesien / Etschlandt / Kinckaw / Rodis /
Corinthen / Pauey / Nauern / Aretium / Jerusalem / Pavia /
Brescia / Kum / Brundus / Segnia / Erdfurt / Basel / Heydels-
berg / Paris / Leon / Tolosen.

Vnder dem Schützen / Hispanien / Ungern / Mehrern /
Wenden / Volterra / Mutina / Meichsen / Cöln am Rhein /
Stutgarten / Rottenburg an der Tauber / Judenburg / Cas-
scha / Norbona / Auinion / Tolleten in Hispanien.

Vnder den Vischen / Portugal / Normandia / Calabrien /
Westerreicher / die man Partenier nennet / Regenspurg /
Wurms / S. Jacob Compostella / Hispalis /
Alexandria / Parentz / Roan /
Sibilla.



FINIS.


Faint, illegible text, likely bleed-through from the reverse side of the page. The text is arranged in several paragraphs and is mirrored across the page.

FINIS



155066

AB: 155066



Farbkarte #13

B.I.G.



7
nd Beden=
aum Wincles
Medicum, verordnet
n, der Statt Schwe-
h der Geburt Ihesu
ng des Hochlöblichen
lphi II. in dem
l. Jar
ten

XVI.

No 5556 *

gspurg/
nger.
o. Freiheit
cken.

